



UKA 2015/22

Tillie Martinussen

6/10 2015

**Uunga siunnersuut: Inatsisartut Naatsorsueqqissaartarfik pillugu inatsisaata allanngortinneqarneranik Inatsisartut inatsisaat nr. x, xXx 2015-imeersoq (Paasissutissanik ingerlatitseqqittarneq)**

(Aningaasaqarnermut Aatsitassanullu Naalakkersuisoq  
(Siullermeenera)

Demokraatini Atassummilu Kalaallit Nunaanni Naatsorsueqqissaartarfik pillugu inatsisip nutarterneqarnissaa pillugu inatsisissatut siunnersuut manna tapersorsorparput.

Tassa imaappoq Kalaallit Nunaanni naatsorsueqqissaartarfiup atugassaanik paasissutissanik ilisarnarunnaarsakkanik ilisimatusarnermut atatillugu atugassanik, peqqinnissaqarfik pillugu naatsorsueqqissaarneq pillugu eqqoqqissaartumik suliaqarneq il.il. ingerlatitseqqittarneq pisassaaq inatsisit atuuttut maleqqissaarlugit soorlu Naalakkersuisut akissutaanni allaqqasutut kiisalu Kalaallit Nunaanni Naatsorsueqqissaartarfiup siulersuisuisa pisinnaatitsinerat naapertorlugu.

Taamaasilluni Kalaallit Nunaanni Naatsorsueqqissaartarfiup siulersuisui pisinnaatitaallissapput inuit pillugit paasissutissat ilisarnarunnaarsakkat pillugit paasisaqarnissamut qinnuteqaatinut akuersinissamut imaluunniit itigartitsinissamut. Taamaakkaluartorli isumaqarpugut piumasqaataassasoq Kalaallit Nunaanni Naatsorsueqqissaartarfiup naammassisat pillugit ukiumoortumik allaaserisaqarnerani ilanngunneqartassasoq paasissutissat sorliit ilisimatusarnernut allanullu atugassiissutigineqarsimanersut. Taamaaliornikkut qularnaarniarlugu paasissutissanik naapertuutinnngitsumik atuisimasinnaasut nassaarisinnaajumallugit.

Kalaallit Nunaat inukittunnguuvoq nunani avannarlerni nunanut assersuukkajuttakkatsinnut naleqqiullugu aamma ilisarnarunnaarsaasoqaraluarpalluunniit immaqa



ilaarutilliinerulaassagaluartoq imaassinnaavoq paasissutissat -  
ilisarnarunnaarsarneqarsimagaluartulluunniit - tikkuussisinnaasut inoqutigiinnut  
aalajangersimasunut, suliffinnut immaqaluunniit inunnut, taakkununga  
kingunerlutsisisinnaasumik. Tamanna pinngitsoortinniarlugu, naak sullissinermut inatsimmi  
aalajangersaneqareeraluortoq kiisalu Datatilsynet akuerseqqaartussaagaluartoq pisortat  
oqartussaaffeqarfiutaanni nalunaarsukkat pillugit inatsit naapertorlugu soorlu Naalackersuisut  
akissuteqarnerminni innersuussutigisaattut, naapertuuttutut isigaarput siulersuisut siunissami  
allagaqartassasut tassunga atatillugu ilungersunarsinnaasunik imaluunniit ileqqorissaarnissamut  
akerliusinnaasunik naammattuuingaangamik. Kiisalu aamma ilanngunneqartassasoq oqartussaaffiit  
sorliit Kalaallit Nunaanni Naatsorsueqqissaartarfiup peqataatissinnaassanera suliamiit suliamut  
inunnut tunngasunik paasissutissanik tunniussinissaq aalajangiiffigissatillugu.

Paasissutissanik inunnut tunngasunik tunniussinermut atatillugu imaluunniit suliffinnut tunngasunik  
paasissutissanik tunniussinermut atatillugu ileqqorissaarnissamut akerliusinnaasunik  
pisoqarsinnaanera eqqarsaatigalugu ilanngullugu kaammattuutingerusupparput nunami maani  
ilisimatusarfiit, Kalaallit Nunaanni Naatsorsueqqissaartarfik, Datatilsynet kiisalu allat  
attuumassuteqarsinnaasut nalinnaasumik oqallisigissagaat paasissutissat qanoq ilinerani  
tunniunqarsinnaangortassanersut, inatsimmi uuttuutit oqaatigineqartut saniatigut assersuutigalugu  
kalaallit imaluunniit nunani avannarlerni ilisimatusarfiit eqqarsaatigalugit.

Naggataatigut oqaatigissavarput isumaqaratta qarasaasiani paasissutissat uninngasuutigineqartut  
pillugit Kalaallit Nunaanni isumannaallisaanissaq pillugu misissuisoqartariaqarpassikkaluarmat,  
isumannaallisaanermut tunngatillugu iliuutsigut nalinnaasumik pisortat pigisaanni suliffeqarfinni  
taamatullu pisortanit aqunneqartuni ingerlatitseqatigiiffinni qarasaasiat aqquaat allat atorlugit allat  
nassiussaannik amoorasinnaasunut taamatullu qarasaasiami toqqortanut aserorterisartunut  
sillimmasersungaangimmata.

Aamma pisariaqarpassikkaluarpog pisortat allattungaataasa assigiinngitsut ilisimatusarluni  
suliaqarnerni atorneqarsinnaasorinartut misissorneqarnissaat - aamma nalunaarsukkat il.il.



ataatsimoortinneqalersinnaanerat, Peqqinnissaqarfiup nalunaarsugaat, kommunit nalunaarsugaat, GER-inut nalunaarsuiffiit allallu, tamarnik immikkut paasissutissanut aallaavinni assigiinngitsuni inaaleqqammata, paasissutissat inunnut tunngasut naliginnaasut siuarsarniarlugit sulinermut akorngutaasinnaammata aamma Kalaallit Nunaanni Naatsorsueqqissaartarfimmut kiisalu ilisimatusaatigalugu sulianut.

Taamatut oqaaseqarluta siunnersuutip akuerineqarnissaa inassutigaarput.